

18. a me, sanctissime? Copiose essentiam tuam mysticam ac maiestatem, o mortalium votis expetite! porro etiam enarra: nulla me capit satietas, nectar quasi aure bibentem.

ALMUM NUMEN loquitur;

19. Ehem! enarrabo tibi ergo divina, quae mihi insunt, miracula, praecipua quaeque delibando; nullus enim est
20. finis amplitudinis meae. Ego sum spiritus, o Arjuna, omnium animantium corpori insidens; ego et principium, et
21. medius animantium status, itidemque finis. Inter Aditias ego sum Vishnus, inter sidera Sol radians; Marîchis sum
22. inter Ventos, inter signa lunaria ego Lunus. Inter volumina sacra sum hymnorum volumen, inter Divos sum Indras; inter sensus sum animus; animantium sum intellectus.
23. Inter Rudros sum Sivas, divitiarum dominus inter Genios atque Gigantes; inter Vasues sum Ignis, Mêrus inter montium cacumina ego;
24. et inter antistites principem me nosce, Prithae fili, Vrihaspatem. Inter exercituum duces ego
25. Skandas, inter maria sum Oceanus. Inter magnos Sapientes Bhrigus ego, inter voces sum unicum monosyllabum; inter preces sum tacita precatio, inter montes Himâlayas;
26. ficus religiosa inter cunctas arbores, et inter divinos Sapientes Nâradas; inter fidicines coelestes sum Chitrarathas,
27. inter prophetas Kapilas anachoreta. Utchaisravasem inter equos nosce me ex ambrosia genitum, Airavatam inter elephantos, et inter homines hominum moderatorem. Inter tela ego fulmen, inter iuvenas sum vacca abundantiae, seminatorque sum Cupido; inter serpentes sum Vasukis,
29. Anantasque sum inter hydras, Varunas inter aquatilia ego, et inter progenitorum Manes Aryaman sum; inferorum iudex